

四庫全書

集部

欽定四庫全書

集部

空同集卷三十一

詳校官監察御史_臣龔驥文

中書_臣劉源溥覆勘

總校官進士_臣繆琪

校對官中書_臣袁文邵

謄錄監生_臣李傳燮

欽定四庫全書

空同集卷二十一

明 李夢陽 撰

七言古

朝飲馬送陳子出塞

朝飲馬夕飲馬水鹹草枯馬不食行人痛哭長城下城
邊白骨借問誰云是今年築城者但道辭家別六親寧
知九死無還身不惜身為城下土所恨功成賞別人去
年賊掠開城縣黑山血逆單于箭萬里黃塵哭震天城

門晝閉無人戰今年下令修築邊丁夫半死長城前城
南城北秋草白愁雲日暮聞鳴鞭

再贈陳子

冬十二月邊馬來白草颼颼黃雲開沿邊十城九城閉
賀蘭之山安在哉傳聞清水不復守遊兵早扼黃河口
卽看烽火入甘泉已詔將軍屯細柳去年穿塹長城裏
萬人齊出千人死陸海無毛殺氣蒸五月零冰凍河水
當時掘此脩匈奴匈奴履之猶坦途聞道南侵更西下

韋州固原今有無從來貴德不貴險英雄豈可輕為謨
尚書號令速雷電抱玉誰敢前號呼遂令宵旰議西討
茲咎只合歸吾徒我師如貔將如虎九重按劍赫斯怒
惜哉尚書謝歸早不覩將軍報平虜

張將軍塞獵歌

將軍堂堂七尺軀虎頭昂藏紫虬鬚據鞍笑撚金僕姑
弦鳴仰墮雙飛鳥南平川漢北割鮮飲燭真斯須劍蕪
朔風吹霜塞草落馬騰士奮于狩作將軍夜令晨步同

磧沙黃黃日色薄部下游擊五千人競時爭能各有神
驅飛翼走入我網千隊萬隊何駢駢氣酣前赴逞一決
零亂旌旗倏明滅殺氣上回靈武雲火烈直透天山雪
張公觀此翻逡巡紅衣白馬如神人衣也蟠鱗金麒麟
朝廷所賜榮功臣攔頭報捷者誰子手提禽獸血滿身
生截羆豹纍雉鷄中軍小校額抹巾見之一騎風起塵
左射奔鹿右斃豕更追狡兔趨窮榛張曰於乎奚用是
昊天肅殺存至仁擬金按節止中野燭脂魚鮮燕菟者

禮樂行軍分自嚴賞罰正簿誰能假何地真收吐谷駝
一卒乃獲大宛馬長城窟水胡鴈稀輕輦緩吹諸部歸
懸戟慘淡鴉鳥委垂鞍礮礮熊兕肥少年猶忿殺獲微
翻身殼弩追雲飛我聞蒐狩古侯禮三驅六御今何以
纘武雖存于貉文戒荒合避長楊侈將軍秣馬厲部士
為防西北烽烟起

送全儀賓朝天歌

風吹黃塵暗河甸行子拍馬來相見春寒晝陰沙冥冥

九衢散亂花如霰，自言手捧紫瑤函。馳謁帝黃金殿，
甥壻當朝禮覲同。往來遣答猶親面，南陽貴人骨固殊。
敦親倍錫明光宴，八議輕微實惋惻。時情詎識皇心眷，
開函爛熳百色備。龍盤鳳曲流雲氣，繡女咨嗟鋪緒工。
體裁脗合三宮意，吳羅疊雪祇懷赧。南金象齒堪沉避，
自離京國十年餘。每懸金闕憶金魚，班行日侍諸王聘。
混一曾瞻萬國書，君過上林聊駐車。春風舊樹花應舒，
有暇更欲問西湖。掃地垂楊今有無。

送田氏

寒城野霜鴻嗷嗷羊腸木零熊豹號彼汾沮洳望心勞
葭莢委折風波濤山西刑司氣何豪西邁白日行旌旄
七星九丸明佩刀君不見黃河飛雲立如蓋一鶚乘之
向并代

贈鄭郎

郎來張拱向我揖玉樹亭亭我旁立叩之論語背誦畢
曲禮幼儀汝能習黃河柳綿飛欲盡練水桐花放將及

汝父昨來今汝歸有琴在抱書在笈君不見師山後人
代非乏勉旃無效羣兒狎

太華山人歌

山人昔居太華峰結屋玉井餐芙蓉夜隨金精朝白帝
誤搗天鼓撞鴻鐘帝怒謫之荒江濱淚添江漢齊朝宗
閭闔九重豹虎蔽霜雪十年鴻鴈冬江邊諸山不可眼
夢寐猶跨雙茅龍有時夢到西嶺坐環海內物盡么麼
一線黃天涇渭流拳石白晝岷峨破翳鳳駭鸞鸞觀玉京

羽節雲輶度婀娜
織女虛無指前路
沐髮有盆不借我
山鬼含笑倚巖立
仰看明星斗如大
猿啼蛇吟萬壑靜
山人歸來淚交墮

相逢行贈劉按察麟

一別六年不相見
風塵歛覲劉郎面
西關官亭車馬都
使君驄馬朱雀符
有虔秉鉞映交衢
把臂道故情鬱紆
仰視高天白日徂
憶昔同殿含香趨
萬事反覆難具鋪
秋風颭颭響枯樹
蛟龍立關黃河怒
舟子無憂浹旬阻

大夫且試登高賦城南柳徑梁王苑廟門書院松林晚
此時與子臨高臺邊候綺席金尊開芒碭微雲氣出沒
但見悲風萬里從東來寒空孤鴈叫且哀鶉鷃鼓翅號
其儕飛沙激霧相徘徊願賓與主酩酊歸不見昔時杜
甫與高李三子者氣壓百代今塵埃

王郎行

王郎行者贈王氏二郎者也王郎將試於有司予
於是賦王郎行贈焉夫子賤君子稱之魯碩人族

類彰諸詩蓬麻自直事有本因子故侈其家世并
及其父子兄弟之間

將軍開國弓劍傳子孫章甫能朝天相國沉冥二十年
懷寶弗售人所憐飛纓躍馬赫動地公也視之如浮烟
雅歌日醉金尊前生有三男子不令學劍令青編大郎
早躡黃金榜聲名佐郡青雲上二郎穠鬱更英特掇青
拾紫猶翻掌三郎年十餘頭顱角嶄如拱立向人前解
背經與書二郎昨別我云將還故鄉馬蹄馳逐秋槐黃

龍泉出匣光自射驊騮歷塊疇能當連翩騎從喧皇州
春風紫陌行鳴騶生兒當如孫仲謀吁嗟相國胡所憂
濁醪惟恨不滿甌聽我王郎行我行還自歌何以贈之
珊瑚柯又何贈之玉山禾願郎歸白玉珂

郭生行

君不見大梁郭生少小能英竒生長富貴心寒饑兀坐
日誦書與詩下究王伯上軒羲郭生有父王國賓有母
食邑稱之君鯉庭獨立猶詩禮熊膽親丸或夜分生有

兩男子大者覽輝起次者郭生鼓翅亦上青霄裏憶昔
匹馬走燕甸長安三月花如霰射策曾登金馬門垂衣
帝在蓬萊殿三十年間萬事變後生衮衮蜚英彥結綬
初誼東閣賓彈冠復報南州薦太平旣極邊功開武帝
射蛟江水迴上林會有誇胡獵願生早試長楊才

結交行贈李沔陽

古人結交如種稷今人當路栽荆棘世間萬事各有極
人生何必相傾仄君不見李沔陽五馬昨朝天天水地

裂衝寒煙三月不遇見天子歸途困頓心憂煎南行波
濤值洶湧蛟龍失勢鼉鼉踊留滯聊栖梁孝臺醉歌真
據侯羸塚却憶當年侯未髡識者盡道驛駒落筆遽
掩羽獵作挺身遂上青雲衢百戰不侯李廣辱一麾出
守延之吁峽靈光射卞和玉月明淚迸鮫人珠李沔陽
汝無學雲夢吞亦莫效江南哀六龍挽車日月輪萬里
簸蕩風沙開棄君舟楫理銜轡有人物色騰驤材

薏苡行贈王氏

南征馬援還東都人言滿載皆明珠發封視之乃薏苡
羣臣失色天子吁世情毀譽本好惡後生輕信迷真謬
暗投固宜明月棄同居豈免蛾眉妬自君夙夜歌在公
尊中醴酒常不空德尊日見兒孫盛名成反致讒邪攻
雖云喬樹多烈風曷有寸霧殘高空君不見周時吉甫
稱大賢孔門弟子推顏淵掇蜂拾塵尚見惑豈我千得
無一愆君堂有客俸有錢槐庭偃蹇花含烟胡不酹酌
金罍前萬事置之休問天

徒步東行贈鮑澂

鮑生六月徒步東久曠赤日昏沙風旦行眼眩扶桑紅
足疲暮憩空桑中帽浥衣沾乾復濕必逢佳樹始一立
道傍有驢無錢騎短詠微吟口翕戢杜甫遺詩人罕全
鮑生記之將及千論工尚恨黃初淺泥古常卑大歷前
豈知才大翻為祟臨岐獨下楊朱淚鹽車雖蒙豈滓辱
長鳴未折風雲氣生今坎壈三十年同時細估豪熏天
出門寶馬雙翩翩道逢鮑生不舉鞭生不見五殺大夫

歌虞庠商歌飯牛聲夜悲賢達困窮何代無仰視萬里
浮雲徂

夏日田居蘇生携酒見過

疾風六月樹枝折火雲纍鎚白絮裂城南老夫正高臥
荒郊欸段蘇生過塵埃滿面髣髴髮亂手携清壺來餉我
季子才名三十年射楊百發百葉破逢時幸首南宮薦
塌翮尚恐西山餓丈夫生世古難同蘇也巷西我巷東
追尋不計梳櫛熟淹留祇恨金尊空君不見昨朝雨雷

今則風世事反覆誰豫通得時無誇好身手失意豈必
皆愚蒙野池紛披蓮半紅黃鸝嚙語空林中勸子盡醉
休匆匆人生幾何吾已翁

送人使安南

安南陪臣騎馳突歌吹春喧汨水窟蛟潭飛雨動霹靂
島城毒雲開日月黃門使者白澤袍南來氣與秋天高
當今天子古聖人諭爾歲事勤包茅永令炎海無波濤

有鶴篇贈翟翁

有鶴褊褊海上來乘風爰止梁王臺
洪河怒濤野蕭瑟含情顧影却飛迴
十洲來往羣仙戲舉身上下隨雲氣
君不見夜來東海頭南極一星光照地

賦得姑蘇臺送李推官士允

少年何官騎白馬秋日經過古臺下
回瞻遠慮意撼促下馬行歌淚盈把
猗嗟築此誰為臺千年棄土猶崔嵬
廩廊娃館瓦礫積美人白骨生青苔
枯蒿茁吟莽颺颺飛雲叫鴈雙徘徊
當時金屋玉起樓豈謂臺成麋鹿遊

寶鈿黃金裹瑟瑟雨時濯出樵人收李生豪士扶風儔
悲歌久抱流連憂世家各讀日一過獨廢吳越傷春秋
復思鷗夷氣益奮怒目每送長濤流扶眼東門事已往
茲臺再過君休上日暝煙波湖水深范歸恐有同行漿

送王子歸鄠杜

賢兄已上蒼龍閣令弟猶甘飽藜藿膝下雖無一寸綬
腰間常吼千金鐔騎驢狂走長安市酣歌擊缶白日落
黃金不成徒自歎烏裘脫盡那堪著道逢石室舉鞭揖

謂爾骨相殊不惡終南鄠杜豪俠窟從來意氣無京洛
歸家早鑄雙玉龍提携來獻明光宮

贈鄭生

狐裘騶馬誰家子往來馳驟塵沙起右撚羽箭左把弓
仰射忽墮雙飛鴻野寒日昏慘慘風下馬揖我立我東
一箭直西貫楊樹抽身上馬入城去

石峰子歌

石峰子昔住石峰山茅堂巖壑豁豁間松孤桂叢白日

靜坐玩硯礪聆潺湲石峰子驂鸞覲帝今幾秋狢猿哀
嘯鴻鵠愁頃為四岳振南州珠崖瓊海毒厲收丹穴有
鳳鳴啾啾願子早致儀西周經過舊山莫淹留君不見
舊山頭葛藟蔽翳寒泉流

寄寄庵子

寄庵子嘗曰人生寄爾然利孰與義安愆孰與美
久臭孰與芳永庫部駱子以其言告李子李子曰
卓哉張子持此於天下誘之能移撼之能動乎能

招之來麾之去乎於乎張子者足以荷天下之重
矣於是作寄寄庵子詩

嚶其鳴矣彼何求天下願識韓荊州心傾義投神便往
萬古不廢江河流張侯崛起西南裔覽輝振翮風雲際
鉤陳蒼涼閭闔閉排闥直謁蓬萊帝勇冠我我不動紳
挺身遂作蘭臺賓竊憤辛裾謂渙浚誓與朱檻爭嶙峋
已看騷褭狹道路復訝鷗鷺卑風塵霜飛維揚海月苦
陽行沮洳汾花春還朝衮衣換日月立仗正色揩星辰

行步既工馬從瘦諫草每就雞將晨餘力猶馳翰墨圃

先秦兩漢文心苦壯志真趨劍閣銘

張孟陽

幽懷緬擬歸

田賦

張平子

拖朱響玉豈不足覲面徒餐竟何補及時願

作朝陽鳳不然退與漁樵伍予也綸竿孟諸客心本無

他衆莫白李白世人欲殺之蘇軾能詩遭貶斥雷劍雖

埋光在天卞玉未剖終為石垂老重逢四海清虛名幸

免諸公擲思君欲追嵇呂駕贈言輒踐回由迹

顏淵季路有

田負郭不餓死且自射獵芒碭澤

龍仙引贈駱員外

壯士狹四海萬古一大夢俗夫醯雞耳生死不出甕滅
沒等蒿草勞勞竟馬用君求勾漏學稚川往來棲息羅
浮烟自從異人授丹訣行地乃作飛龍仙左携浮丘右
洪崖樗里景純執我鞭崑崙嶺巔倚天外黃河九曲如
衣帶南支江湖楚蜀匯北支嶮塞華夷界少時振衣登
賀蘭開眼已無西北山中年謁帝聽廣樂曳裾赤手搖
天關朝攬金臺雲夕披玉峰霧翔鸞鏘鏘導前路左蹲

文豹右伏虎旂幢旖旎雜翠葆龍兮龍兮汝雖變化叵
測慎無使頭角露祥麟威鳳世見希泄秘盡巧鬼神怒
深山大澤多戢鱗龍也穆沕幸自珍綏城玉笙兩鶴舞
太室珠樹三花春從茲謝人放浪去笑跨白鹿乘飈輪
送李中丞赴鎮

黃雲橫天海氣惡前飛鷺鶴後呌鶴陰風夜撼豎巫閭
曉來雪片如手落中丞按轡東視師躬歷嶮隘揮熊貔
已嚴號令偃鼓角更掃日月開旌旗椎牛李牧將士躍

射虎李廣匈奴知屯田金城古不謬賣劍渤海今其時
塞門蕭蕭風馬鳴長城雪殘春草生低飛鴻鴈飛沙靜
遠道鯨鯢漸海清不觀小范安邊日誰言胷中十萬兵

雨燕醉歌

迅雷擊城鴉欲翻黑雲壓天白晝昏展席叙對城南門
長安大雨如傾盆我馬已惜錦障泥主人況具黃金尊
睥睨將將下萬瀑龍蛇繡繡動高壁出門牛馬不復辨
炎霧毒蒸靜如拭酒酣為君如意舞夕雨轉急風轉怒

祇恐豁壑受不得海倒江翻亦難測

顧侯寄陳留公砥柱障子并詩予為作歌

東吳顧子相公客掃絹畫水復畫石天衝地擊河怒號
嶷嶷一柱當橫濤突立固知氣勢穩鼓盪轉見觚稜高
淋漓新題墨猶濕封緘遠寄心誠勞昔公平章握軍國
執義委有排山力甚哉戇如漢汲黯老而純過唐師德
言違諫阻去何決羣猜衆怒不動色同時門客顧最親
隔絕夢寐懷偉人我我砥柱公實倫顧也歌之情句真

畫者誰子筆更新數尺絹面開嶙峋遂令觀者重回首
堂上恍惚河聲吼嶽岑若遘虎豹踞蹠杳似覩蛟龍走
奇怪常虞霹靂奪孤危定遣神明守君不見鰲極有時
艤崑崙有時翻柱乎柱乎永且安

雷電行贈憲卿何公美其伐也

黃塵蔽日賊大戰元年年除夜雷電我軍後之天威前
一鼓破賊淮陽川昨者此賊生齊東眼中久已無河嵩
渡河轉戰勢果熾長矛健馬六石弓睢陳飛刃晝接白

毫賴劫火宵連紅一路生靈餓虎中原殺氣回春鴻
于時中丞秉鉞出誓不滅賊如此日三軍素壯元老猷
諸將咸遵丈人律孔明綸巾不離首羊祜輕裘僅掩膝
精采遽增朱雀幟運用或叅白猿術陷陣直如風掃葉
追北譬之蜂就蜜二月朔日振旅歸夾道桃花照鐵衣
傾城盡出牛羊犒父老爭迎錦繡旂喜氣真隨陽氣發
愁雲化作卿雲飛捷聞天子喜動色滿朝譽公降褒勅
白金綺繒寧足酬異日凌煙看畫墨

送兒詩四首

冬至至後風愈嚴野水皓皓霜凍髯河澌日昏不易涉
孤劍匹馬慎汝楫

北風蕭蕭狐裘薄蔽堤立馬勸汝酌汝伯煨酒友奉盃
路人不行為踟躕

壺乾日斜客子發臂弓上馬意氣勃斬蛟擒虎及汝時
我幸健飯無父思

平生自許萬言書今往謁帝承明廬春風走馬未為得

下有管樂上契稷

邊馬行送太僕董卿

治賢在朝亂在野唐虞圉牧皆賢者國君之富馬為急
次者僕卿首司馬漢人五郡開河西中土始聞邊馬嘶
此馬硃礪一直萬黃金寧輕璧可賤奪駿曾空大宛國
按圖徑上長安殿首宿雖誇近苑春荆榛誰記沙場戰
致遠翻歸草木功清芽秀味走青驄三邊盡跨連錢種
六苑羣嘶汗血風人亡世殊霜雪急草豆蕭瑟馬骨立

駢驅氣喪甲士苦長城窟寒鴻鴈集朝廷每勤西顧憂
四岳拜手推董侯攻駒暫出薇花解攬轡遠過葡萄州
行卿官冷心不冷固知董侯今伯同磧沙日黃雲錦亂
徵侯定上金華省

風沙篇送王生北行

顛風吹沙江海波汝乘玉駟超天河豫章千尋勢自穩
黃鵠萬里誰能羅我逾五旬鬚盡白日采山精煉白石
臨分贈汝一粒丹願言寶之勿輕擲

贈張帥

張侯五十毅強弩遇敵控馬氣如虎年來威坐都統衙
境內盜息無塵沙自言少壯從征虜北掃朔漠南闔楚
暇時勤出射雲鴻古來矍鑠成大功

贈鮑帥

蒼鷹自與凡鳥異虎子墮地食牛氣鮑侯三十名譽成
才猷吐布千人驚只今塞上風塵起朝廷拊髀思頗李
君之寮寀皆英奇同升早勒燕然碑

白河篇送李南陽

白河日赤沙吐雲人喧吏闕迎神君三月萬花擁車入
滿城竹馬兒童出君昔坐郡襄漢東氣勢三楚生雄風
摘奸無論漢張敞秉義直到唐梁公霜飈偶折奮翅鶚
日月竟照凌寒松鐵幹久擬作隆棟劍翮卽睹追飛龍
空同老儒不君識傾蓋逢之喜動色論文開口夜嘗旦
憤事扼腕書遽黑南陽雖邇路終隔音書易通見難得
我欲扳君數日住南民望之餒待食君心透徹皓如玉

壺之清冰君材磊落歸如萬仞之立壁高議足以排山
嶽偉文足以華人國只恐茲邦難久留漢庭來徵郭細
侯

汴河柳送沈生

汴河柳嫋嫋拂地長雪花風起春飛揚送君立馬古堤
口踟躕勸盡黃金觴有車轢轢官道旁駟喘唳何傍
徨於中豈無神駿骨伯樂不遇誰為彰人生富貴信有
命英雄仰面高天蒼高天蒼飯牛牧豕皆騰驤

王孫饋冰詩以酬之

流金毒日赤墮地忽有冷色寒人心誰敲水晶迸大壑
力剖冰井開重陰高盤礪堆久不化老苗澆澍差能禁
安得移之白繞座一尊一酌還一斟

贈趙將軍

豐沛之間河亂走洶洶之勢成陂數大船愁淺小愁賊
賊船如飛葦灘黑自從將軍鎮東土晝夜人行路不濕
將軍本是將門種軀幹堂堂萬人勇入山縛虎百獸懾

赤手批蛟色不動射楊葉盡矢亦盡始知百發還百中
武宗見之屢凝顧戟郎遽拔千夫總英雄自古不下人
將軍獻策況有文驂騑暫蹙歷塊足鵬鶚竟上橫秋雲
世情金多位乃高圖名交結須賢豪將軍無錢自樹立
於人傲氣但長揖擠出事體雖云乖威勢我喜行河淮
黃流穩帖遁鯨鯢白日光彩收狼豺大同反办血未乾
甘州繁卵人心寒薦書何由至天子拜將早築黃金壇

贈胡石陵

世情認假不認真脂粉羅綺登上嬪娥眉入室衆女妬
辛苦年年織紉綺織成進君冀君憐腐草迴日光在天
荆山石中抱神異氣如白虹勿輕弃

贈滄洲道人

滄洲道人年半百顏如渥丹髮不白飢餐玉芝坐雙鳳
渴收石髓煮金液海月西照寧仙橋道人橋頭吹紫簫
夜半雞鳴日毬躍扶桑滾滾生紅潮

送李帥之雲中

黃風北來雲氣惡雲州健兒夜吹角將軍按劍坐待曙
紇千山揺月半落槽頭馬鳴士飯飽昔為完衣今繡襖
沙場緩轡行射鵬秋草滿地單于逃

贈張生

男兒三十骨格成貧賤富貴皆天生張生廣額日月角
自幼勤書飽文學十年雌伏人不知一日雄飛動河嶽
君不見宋朝宰臣云姓周少時坎珂風塵游偶然夜夢
更美鬚泥蟠遽爾行天衢

送王封君還四明

季札如魯請觀周子長足跡半九州向平且然志五嶽
誰肯齷齪終一丘封君昨年出吳越長嘯梁園醉秋月
春風垂楊綰不住便復歸山採薇蕨鑑湖花開雲錦浮
鳬鷺前導紅蓮舟餐霞坐收赤城氣晞髮卧看扶桑流
古云徐卿百不憂君亦滾滾生公侯君不見大郎繡衣
昔持斧聲名赫赫今臺府

何儀賓生日贈歌

賓客白馬黃金鞭入門長揖皆我冠堆冰五月窻閣冷
風簾碧簾光琅玕主人平生貴然諾季布一言重山嶽
人間杜良數郡至坐無車公衆不樂列筵解帶羅庶羞
萬年為壽千金酬向夜銅槃灼絳蠟鳳笙龍笛何啾啾
七夕贈王昌程誥

橘酒椒羊召朋侶擬向今宵看牛女雨來颼颼楓林秋
張燈促燕開東樓王侯既駕鐵馬立前驅北首旌旗濕
程生買棹亦欲歸長江南望雲飛飛人生去住料豈得

一日同歡有南北君不見雙星一水意脉脉轉眼陰晴
不可測且倒金尊澆我萬古之曾臆

再送沈生

去年酌汝池蓮紅今年酌汝黃菊叢秋風颭颭吹枯蓬
飄轉向西忽復東世情敬貴不敬賢黃金不多人不憐
如脂白玉隱在璞孰肯剖致君王前白河馬歸玄鴈起
南陽賓客梁園比送君高歌枚子篇修竹檀欒夾池水

空同集卷二十一

欽定四庫全書

空同集卷二十二

明 李夢陽 撰

七言古

李進士醉歸圖歌

誰將一幅雪白絹放筆橫掃黃金殿五雲飛花白片片
李生胡此開生面御河塵昏楊柳暮彷彿初罷南宮宴
皇帝龍飛十二春同時三百登要津曹生李生余最親
曹甥李也傳經人光耀雖云丈夫末不聞致君須致身

自汝白手扣閭閻想像紫陌行騏驎曹留李歸事亦變
李生意氣圖中見醉歸扶起杏林下眼花熟人無識者
飛鳥來窺進士巾遊絲故冒誇官馬卽論此馬亦有神
畫出紫焰方瞳真嚼勒齧膝如待人長行大步不動塵
絡頭鞵鞭純用銀細巧似織翻江鱗汝昔出門驢無騎
曹生共被甘鹽齋比許欲入周召列成就耻與蕭朱齊
於乎男兒一旦榮幸果如此生不報國老空悔

鄭生畫像歌

巖風颯颯樹葉赤秋林紫氣丹丘積問君胡為坐石根
微吟極望天雲昏南歸舟楫杳將滯故園鶯花當復存
浚儀張生好作筆貌爾形似無其魂細模妍拙豈乏手
傳真水月煙中柳意氣朗如千里骨精神合居萬人首
憶昨觀君飛射時彎弧走馬實男兒更求張筆須傳此
欲識豪雄豈啻詩

畫魚歌

呂公手持畫魚障清晨掛我北堂上島嶼晴開雲蕩蕩

衆魚出沒隨風浪四壁蕭蕭起寒漲嗟此數尺障天機
妙入神信手掃絹素慘淡開金鱗濠梁斷裂東津遠任
公掣釣滄溟晚此時天黑衆魚出鼉鼉徙穴蛟龍返或
言乘潮萬魚集細小亦赴雲雷入咫尺波濤有得失崛
强泥沙恐難立細觀又似洪河風崑崙旣道龍門通霹
靂殷殷行地中鯉眼下射盤渦紅非獨一身生羽翼亦
有數子隨飛龍山根小魚更無數鱸鮓昂藏噴煙霧美
人修竿淇水闊漁子孤舟洞庭暮我生好奇古覽畫心

不動呂公此障誰為之令我一見神色竦想當經營始
筆端萬鈞力五湖齊傾四海立空牕滾滾拔浪急陽侯
逆走天吳泣不然千魚萬魚何由集我聞神怪物變化
不可料點睛破垣古有兆卽恐風雷就壁起饕人揮刀
莫相笑

林良畫兩角鷹歌

百餘年來畫禽鳥後有呂紀前邊昭二子工似不工意
吮筆決肯分毫毛林良寫鳥祇用墨開鱗半掃風雲黑

水禽陸禽各臻妙掛出滿堂皆動色空山古林江怒濤
兩鷹突出霜崖高整骨刷羽意勢動四壁六月生秋颺
一鷹下視睛不轉已知兩眼無秋毫一鷹掉頸復欲下
漸覺颺颺開風毛匹綃雖慘淡殺氣不可滅戴角森森
爪拳鐵迥如愁胡昔欲裂朔雲吹沙秋草黃安得臂爾
騎駟驥草間妖鳥盡擊死萬里晴空灑毛血我聞宋徽
宗亦善貌此鷹後來失天子餓死五國城乃知圖寫小
人藝工意工似皆虛名校獵馳騁亦末事外作禽荒古

有經今皇恭默罷遊燕講經日御文華殿南海西湖馳
道荒獵師虞長俱貧賤呂紀白首金爐邊日暮還家無
酒錢從來上智不貴物淫巧豈敢陳王前良乎良乎寧
使爾畫不直錢無今後世好畫兼好畋

吳偉松窓讀易圖

仄巖泉流石無數素壁濛濛起煙霧君家屋宇在城市
何以堂上生松樹側聞江夏生氣酣掃毫素絕筆風雷
拔地起意匠鑿天天為怒泰山古根生眼前俄頃縮出

徂徠山懸蘿掛薜藋裊裊黑復有草舍松之間牕間老人
鬢髮禿手翻一編周易讀空山琴瑟翠濤激長干冥冥
暮花撲遠知旣已死希夷不復作青丘石室杳何許恍
然置我此溪壑翻愁一夕雷電入六丁追書上寥廓又
畫石下根屈曲如老龍胡奴暝踏孤岩崧蓬頭赤脚露
兩肘月明汲泉山澗中却意前年召畫師江夏吳生亦
與之短褐垢臉見天子禮貌雖村骨格奇帝令待詔仁
智殿有時半酣被召見跪翻墨汁信手塗白日慘淡風

雲變至尊含笑中官羨五侯七貴爭看面請觀此幅松
舍圖黃金失價連城賤吳生吳生太氣岸一言不合輒
投硯

鍾欽禮山水障子圖

鍾子始學戴文進後來頗自出機軸山林槎枒波漫靡
骨格雖傳氣不足此幅樹石差可意綴得茅堂傍江麓
連山遠勢亦可取轉折頗似瀟湘曲竹嶼陂陀九疑隔
蒼梧洞庭濕雲白黃陵美人把瑤草天寒日暮行空澤

鷓鴣雙飛鴻鴈宿
榭樹颯颯江水碧
細看谷口花又疑
武陵源孤舟欲往
不可得對此彷彿
聞清猿亭間更著
四老翁衣冠各異
鬚眉同紫芝山深
石漠漠悵望萬里
來悲風人生有形
貴自適我今胡為
塵埃中觀盡感事
面顏紅有畫如此
何必工歌徹目送
滄洲鴻

贈郭氏畫登遊快閣

昨朝快閣舉目無
江湖凭闌二豪俱
徘徊把杯思欲丹
青寫之人則無城
中郭清狂一生弄
九戲洪鑪方瞳如

水霜半顱展紙為掃登閣圖邑城隱見林木扶畫我快
閣上半天風立樓觀孤急流波濤沸欲動前山雷雨勢
可呼二豪意態各亦足彷彿指說荆與巫回顧東海猶
一盂是日南風萬船集江隅郭亦畫出檣之烏精密似
跨北海杜筆力頗凌江夏吳江中流雲西北徂又若萬
里獨往朝京都我心與客方念此郭能畫之真奇士

觀序上人所藏陶成畫菊石歌

陶生畫菊石潦草有筆力此石與此菊今為序公得兩

株徙倚石根前古石苔蘚屈連錢復有餘株散在地平
坡雜草青烟繚回株點綴花翩翩含姿弄態不一足背
向纖穠皆可目突如大家貴介女珠翠雖搖氣莊肅近
時名手計汝和此生筆力方之過江東徐霖學畫石效
顰差勝王與何亦知神品多冥契下筆巉巖拓高勢石
磊磊分菊漫漫清霜古路花斑斑遠意頗類東林山東
林昔築蓮花臺彭澤攢眉不肯來歸家對菊獨銜杯序
公叢林號白足不重蓮花翻重菊終然畫餅不充腹何

如種向西山麓秋林寒芳采服食煮石煉藥亦為得愛
鷹愛馬古有之不獨序公何太息

題畫

雪城陰陰氣蕭瑟鄭生提畫來相訪面顏戚促意不樂
告我欲買南行舫覽畫指點色惆悵雨倒江翻拔層浪
君不見江上蓑笠翁歸遲水逆憂天風

其二

江寒雨急莽無路漁人撒網乘煙霧魚蝦瑣細不直錢

汝休輕觸蛟龍怒展畫見此心中悲犯險覓利古所卑
只今風浪無晨暮為問安流歸者誰

張侯藏張翬山水歌

張翬有名成化間大塗小抹成山水樹石燥硬筆意古
往往人間落片紙此幅麤淺色更枯或謂非翬出其子
張侯識鑒天下精物物如金見沙底爾家圖畫千萬軸
素壁高堂安用此寧知上智不滯物牝牡不貴貴者骨
尺山卽如對玄圃草屋臨岷氣出沒岷根林堂頗清迥

遠雲澹沲開秋嶺霜蘿細紆巖檻暝昏猿接掛花溪靜
自從去年拋棄官夢想山遊駕江舸見此拂衣便欲往
攀緣轉玩情無那岵亭更著一人坐斗絕看書樹婀娜
張侯豪曠人共知敏捷言談皆勝我鹽車鬱沒騏驎棄
蹇拙逢時每相左崑崙洞庭不我隔異時倘結煙霞果

畫馬行

嗚呼驂騑不可見世人任耳不任目玉勒金羈滿地行
可道中無千里足君收此馬畫者誰凝豪苦意求其骨

尺縑颯爽毛鬣動凌風似欲真馳突曹霸畫馬無此精
拂拭慘澹神氣生細觀決非近代物印押剝落無姓名
四海只今多戰爭安得此馬一敵萬絡頭騎出千人驚
擒王破敵任橫行

西山湖春遊圖歌

我家掛出西山圖上有西山下西湖上堂見者怒氣麤
問客何所怒何得生此嗔縱使撐天拄地無比倫古人
局量非今人罅間雖添兩禿松孰與遠勢開心胸銀山

鐵壁皇陵東彷彿下走追飛龍一曲一折若不易可憐
片素騰雲氣落花冥冥萬壑靜白日杲杲千巖碎森沉
不見雷霆仗照爍盡壓金銀寺回思開疆帝秉鉞燕山
突立五鳳闕錦繡離宮巖嶺入龍驩水戲滄溟竭君不
見輦道哀湍瀉松柏摧枯虎出沒至今守僧住湖傍瑤
璃湧動鼉鼉忙事闕體統畫合諱點綴半露還半藏伊
昔休沐屢憩此耳邊尚憂金琳琅上林花艷何所無東
風只恁吹西湖夾岸小杏欲爛熳騎驢紗帽西郭途同

行康何咸我徒祗須十錢買尺魚旋挑土薺甘如酥朝
來青暮望湖紫衣行童隨挈壺大者鼓簧小吹竽爛醉
花下鳥每呼汝曹何處吾已翁十年獨看梁園紅傷心
痛定恐復說回首萬事真匆匆嗚呼故舊離合誰獨無
使我不悲堂上圖使我不悲堂上圖

來青軒名
望湖亭名

畫竹行

鄱陵王孫稱竹溪手自我竹堂東西已詫白晝雷雨入
遽使六月秋雲低王孫拈筆傳竹神不得乃憶能傳人

黃筌異世與可滅本朝頗數東吳真一幅千金擲不惜
有時客來掛之壁壁上階前翠相射風行琳琅戛摩仄
四座慄慄生寒色陂陀沙嶼意勢遠洞庭木落瀟湘晚
白雲悠悠去不返叢筍寂寞雙妃怨於乎畫形難畫心
黃陵鷓鴣啼至今月不常盈日中昃人生何必長悲吟
堂有佳賓膝有琴美酒一酌還一斟竹溪子斟竹葉歌
竹枝醉據玉案吹參差左杯酌竹右畫師李乎孔乎吾
則誰更須名手畫六逸并畫王孫逸為七

題京口人山水圖

青山逶迤如北固山下彷彿京口樹茅堂花蹊三月暮
萋萋舊草春遊路一從畫師掃煙墨客堂日夜流江色
江色依微帶甕城遊子歸魂逗南北

題畫搖筆成詩

去年得歸離江州七日遂登黃鶴樓南風捲江浩呼洶
逐羣欲翻鸚鵡洲七澤莽昧不入眼孤舟屈曲裏河轉
數月已擲檀家湖夢飛每到羊公峴峴脚山南東道樓

秦川公子醉悲秋
檻邊斑竹古猶活
雲石寂寞蒼梧愁
重華馭遙不可叫
白沙黑猿疎樹幽
看圖彷彿曾遊處
素壁青天漢水流

錢選畫張果圖歌

張果者中條山人也
武后聞其有道術
召之果遽死後復出
往來汾晉間
玄宗使李嶠齋醮書造請
馬果至舍集賢院
詔肩輿入禁中
問治理神仙之事
帝悅焉欲以玉真公主妻果
果不從辭還山果

蓋剪紙驢乘之不則折收巾笥中而錢圖故落於俗家今為汧守李得矣

張翁紙驢真有無錢也何意傳其圖印記雖明幅斷裂李侯完之亦奇絕所恨圖尾錢有詩就蛇添足將無癡憶昔翁來集賢院入宮詔許肩輿便一日聲名人主動千年面目吾今見帝貌深沉玉榻雄侍人一異三人同漢皇信有瑤池降秦始枉慕蓬萊通玄言未竟鈴殿風寸驢躍出青箱空有僮追捉雙眼紅此驢蹏蹏盤當中

李侯一看一絕倒每稱獨苦嗟良工細觀張翁骨格古
徐福五利寧其伍曰嬪真令天下疑遄歸轉覺皇心盪
長生殿前牛女辰廣寒仙桂舞鸞身世間但識申師巧
誰解中條放浪人

周文靜畫雪山圖歌

周生雪山世稀見遠山近水一足練玉崕嶽崦插湖脚
粉筆徐移掃高閣瓊枝鐵柯兩迴亞龍鱗犀甲欵參錯
林風颯颯急霰起白日冰花逐毫落天愁地慘意各出

霧合飈回勢逾惡人言四時冬最難周生善雪仍善山
虛堂突立萬仞壁尺素乍轉千重灣彷彿寒封洛陽道
得無白擁藍田關袁安甘臥幾時起退之遭竄終召還
倚山亭亭一孤松仄崕峭壑盤其中分毛聳幹一何傑
畫者有意排嚴風君不見古來梁棟必此物願君愛之
頻拭拂

題畫山水送人還歙

黃山沙溪杳何許圖之山水無乃是軒轅宮宰相里山

人一出彌荆杞石林漠漠蹊徑苔霜鶴夜悲猿嘯哀紅
顏踪跡半湖海白頭覽畫思歸來溪頭繫一舸畫師本
無意宛如倦游者無復舟航事水雲迤邐山雲高靜定
方知動者勞回思少日歡娛地至今夢寐猶波濤

壽兄圖歌

猗嗟我鳳生三雛二雛成立少者殂為巢抱卵兩不易
自挺獨立身羈孤兄既躬耕濁河岸弟亦塌翅青雲途
兒長女大願各足雞肥酒熟時相呼仲氏吹簫塤者伯

兄今六十我半百敢言意氣激墮俗要使紛紛覩標格
大梁張路固好手湖州生絹照眼白當堂掉臂掃丹墨
倏忽老面開生色盤松歲蕤雜花遠雲屏石几文茵輒
靈芝底出琅玕瓶蟠桃突磊琉璃杭鶴行昂藏疑欲啄
復綴山麋意逾究大公烏紗微俯身中心愛弟愛復親
次公氅服青羅巾傍兄祇順情性真壺陳爵設即未舉
儼如酬勸言辭諄其言伊何懷二人飄風烈烈吹三秦
銜悽西望道路阻高丘莽沓狐兔隣又如自叙傷風昔

哀暮安寧思苦辛季冬十日兄生日今日天開皎日出
長裾珠履座上滿剝荳推牛酒盈室此時此圖掛之壁
觀者嗟咨黯如失二公揖遜恰相向回看乃在畫圖上
骨法形神各不疑輿臺緝御俱惆悵逶迤拂拭諸
欲動展轉顧惜嗟宗匠瓶中梅菊誰致女倒映芝
桃故相盪韡灼真回綺席春芳香解溢金壘鬯兄
今健飯猶廉頗丹砂我煉尋黃婆復聞張生善山
水買絹請掃青嵯峨嵯峨一掃一千幅一年一幅

南山歌

登天池寺歌

廬山絕頂天池寺，鐵瓦為堂白石柱。
傳言周顛勞聖祖，天眼尊者同顛住。
嶮絕下闕無底壑，屈曲穿緣惟一路。
頃屬秋晴強攀陟，俯之四海生雲霧。
岷峨纍垂西向我，杳杳長江但東注。
君不見寺東崕石鐫，竹林穹碑御製。
山之岑周顛胡不留，至今周顛胡不留。
至今虎啼日暮，愁人心。

御製廬山周顛碑歌

廬山絕頂白鹿臺上有御製周顛碑石龜下蹲高結螭
天葩震烈雲漢回文古兩漢仍過之憶昔草昧龍虎關
黃旗紫蓋顛能知顛也似真還似癡帝非感悟寧用茲
百年勢移功漸泯碑亭毀裂將及碑訶持白晝鬼神泣
光耀天陰雷電隨先朝雖允僧奏劄修葺其如歸有司
有司有司顛莫疑試看碑文碑後詩

遊棲賢橋歌

雷泉峽激石龍嵒日湍山陷回光動吁嗟此壯觀萬古
誰為開渦黃潭黑窈莫測秀黛碧玉何崔嵬人言窟底
有龍臥氣吐白晝常風雷去年重九登吹臺翹望名山
思婀娜今年今日誰料吾醉踏窮山躡礪砢拂衣欲上
萬仞壁濯纓還就孤崖坐秋風吹林猿狖語浮橋橫空
裊相拄嵐寒細飄瀑布雪峰雲破碎芙蓉裂金枝瑤草
真有無縹緲仙燈暮明滅君不見此橋今千年谷冷跡
絕無人煙巖剝苔蝕石漠漠太白紫陽俱我前對此不

須更慘愴明朝且上香爐巔

懷玉山歌

懷玉之山玉為峰四面盡削金芙蓉東峰破碎瀑布落
有潭十八龍為宅山頭草堂開者誰斬木通道余心悲
白猿嘯雨巖竹裂石路上天風樹吹我聞龍乃變化物
羣然臥此龍何為胡不滂沱惠下土一洗四海無塵緇

其二

君不見懷玉山山七盤盤盤上無極陰霾白日崕洞黑

隆冬雨路誰來得稻田月池山上頭半天有地今我遊
石壇剥落古佛棄木落俯見東巖湫湫中巨魚長如人
紅眼射日翻金鱗天台桃源在何許采藥避秦此處吾
告汝

鐵柱引

豫章古城牙城南何年鑿井置鐵柱井深江道沒不見
時寒水涸始一露玩之非石亦非鐵孤立槎枒若枯樹
人言旌陽鎖水母此語荒唐奚所據或云藉此壓江濤

茲理或有誰者勞顧今伏臘盡奔走歸美真君瑤殿高
金燈翠旗日來御雕闌玉檻圍周遭俗論紛紛不須辨
秋風日暮塵滿縣

快閣引

四月月圓登快閣天半晚牕雷雨入邑中上客攜酒至
歐陽羅子咸來集去年為閣初築臺我時登之雷雨來
神明似有兩歲約晴霧歛值千山開千山廻轉江中流
徙倚闌干增暮愁夕日下看衡嶽破波濤左顧匡廬浮

苦思昨年生盜賊大江南接江之北烽火遙連海岱紅
殺雲眼見翻陽黑斯邑洶洶今始安我今對酒能不寬
諸君稍減般移苦百姓新回種植歡北風江湧月東來
更說夙昔俱停杯陰晴倉卒不自料萬事恍惚誰能猜
潢池暫殄干戈釁向隅猶抱瘡痍哀勸君置此勿復道
放歌且與雲徘徊

九江陸還南康望東林

匡廬山北東林寺前年八月遊曾至只今馬出蓮峰道

西望東林但縹緲風吹榭櫟猿晝啼卻憶石門臨虎溪
舊聽石瀨尚在耳雷燒碑樹今應死

觀水簾泉歌

水簾瀑布人罕至三級背懸五老峰礪石嵯岈路險澀
深窟風草吟蛇龍自從開闢藏難見可憐彼瀑蒙稱羨
走勢天晴萬古雷流光壑暝常留電亂峰雲走白日微
翫罷催君及早歸鬼神忌才亦好靜恐有驟雨霑裳衣

悲悼

結腸篇

李子曰結腸之事蓋予妻亡而有此異云奠妻以
牲烹腸馬腸自毬結李子異焉曰胡為烹胡為結
恍惚神怪孰主孰使厥理孰測怨邪德邪生有所
難明死託以暴哀邪嗚呼嗚呼作結腸篇焚妻柩
前妻固識文大義或亦契其寘懷也

哀者且停聲弔客坐在堂聽我結腸篇曲短哀情長五
月廿七吾妻亡厥明奠之羅酒漿其牲伊何殯與羊痛

哉金釭結殯腸神靈恍惚心駭傷團團肉毬出中湯左
迴右盤準流黃經緯纏糾文陰陽底形井字圈兩旁翼
翼彷彿雙鳳凰有綏在下繫而長上有提襻五寸強汝
乎無意豈為此呼汝欲問魂茫茫十呼不應百轉咽腸
乎腸乎為疇結

其二

結腸結腸忍更聞妾年十六初侍君父也早逝母獨存
為君生子今有孫昔走楚越邁燕秦萬里君寧恤婦人

外好不補中苦辛中年得歸計永久命也百病攢妾身
言畢意違時反脣妾匪無迂君多嗔中腸詰曲難為辭
生旣難明死詎知千結萬結為君爾君不妾知腸在此

其三

結腸三闕聲更咽汝腸難解我腸結風昔失意共奔走
汝實千辛我蹉跎宦歸家定今稍寧豈汝沈絲遽離絕
魂乎魂乎游何方兒號女哭週汝旁劇心飲泣看彼蒼
愚者何壽慧何亡佇立逶迤若有望迫而卽之獨空牀

梁間二燕哺子急觸落青蟲汚我裳錦衾塵埃委鴛鴦
總惟中夜風琅琅魂驚夢搖中慘傷陰雨啾唧燈無光
嗚呼此曲不可竟為君賡歌妾薄命

哀才公

正德己巳年作此公嘗薦余故有國士之感

仲冬東南天鼓鳴我軍一出功可成道之將行歲在己
星落轅門悲孔明尚書頭顱血洗箭馬革纏屍亦堪羨
夷門野夫國士流痛哭天遙夜雷電

是月雷
電屢作

哭新縣

是時新設萬年縣新民反覆殺副使李情靈寶人也

苦死可憐靈寶子有官十數同時死四路蕭蕭人斷行
一軍盡驚牀夜徙新民反覆誰不知性實虎豹佯螻蟻
白金綵段縱寬汝朝廷有問將何以

觀燈行

詳見夢
華錄

宋家累葉全盛帝寬大實皆稱令主百姓牛馬徧阡陌

太倉米粟憂紅腐宣和以來遂多事嗚呼爛費如沙土
海石江花湧國門離宮別殿誰能數群臣諛佞祇自計
天下騷然始怨苦正月十四十五間有敕大駕觀鰲山
萬金為一燈萬燈為一山用盡工匠力不破君王顏此
時上御宣德門樂動簾開見至尊奔星忽經於御榻明
月初上堆金盆傾城呼噪聲動地可憐今夜鰲山戲窈
冥幻巧百怪聚金蛾翠管堪垂淚借問幸臣誰云是李
師師外有蔡京與蔡攸夾樓錦幄羅公侯丞相之幄當

前頭奚兒腰帶控紫騮如花少女擎綵毬但聞樓上喚
樓下黃帕籠盤賜玉羞月高鳴鞭至尊起幄中環珮如
流水爭道齊驅輦路窄寺橋窈窕塵埃白火樹龍燈又
一時千光萬焰天為赤常言宴安成禍基從來樂極還
生悲君看二帝蒙塵日數月東京荒蒺藜

石將軍戰場歌

清風店南逢父老告我已巳年間事店北猶存古戰場
遺鏃尚帶勤王字憶昔蒙塵實慘怛反覆勢如風雨至

紫荊關頭晝吹角殺氣軍聲滿幽朔健兒飲馬彰義門
烽火夜照燕山雲內有于尚書外有石將軍石家官軍
若雷電天清野曠來酣戰朝廷旣失紫荊關吾民豈保
清風店牽爺負子無處逃哭聲震天風怒號兒女牀頭
伏鼓角野人屋上看旌旄將軍此時挺戈出殺敵不異
草與蒿追北歸來血洗刀白日不動蒼天高萬里風塵
一劍掃父子英雄古來少天生李晟為社稷周之方叔
今元老單于痛哭倒馬關敗軍半死飛狐道處處驩聲

噪鼓旗家家牛酒犒王師休誇漢室嫖姚將豈說唐朝
郭子儀沈吟此事六十春此地經過淚滿巾黃雲落日
枯骨白沙礫慘淡愁行人行人來折戰場柳下馬坐望
居庸口却憶千官迎駕初千乘萬騎下皇都乾坤得見
中興主日月重開再造圖梟雄不數雲臺士楊石齊名
天下無嗚呼楊石今已無安得再生此輩西備胡

玄明宮行

今冬有人自京至向我道說玄明宮木土侈麗誰辦此

乃今遺臭京城東割奪面勢創巖業出入日月開帡幪
矯託敢與天子競立觀忍將雙闕同前斫石柱雙螭龍
飛梁逶迤三彩虹寶構合沓殿其後儼如山嶽翔天中
金銀為堂玉布地千門萬戶森相通光景閃爍倏忽異
雲煙鬼怪茫杳濛以東金榜祠更侈樹之松檟雙梧桐
溟池島嶼鯉躍孔雀翡翠兼羆熊那知勢極有消歇
前日虎豹今沙蟲牕扉自開衛不守人時遊玩搖玲瓏
陞隅龍獸折其角近有盜換香爐銅青苔生泥獍面鎖

野鴿哺子雕花櫳憶昔此閣握乾柄帝推赤心閣罔忠
威刑霹靂縉紳毒自尊奴僕侯與公變更累朝意叵測
掎克四海真困窮長安奪第塞巷陌心復艷此閣何蒙
構結擬絕天下巧搜剔遂盡輸倭工神廠擇木內苑竭
官阮選石西山空夷墳伐屋白日黑揮汗如雨斤成風
轉身唾罵閣得知退朝督勞何匆匆人心嗟怨入骨髓
鬼也孰復安高崇我碑照耀頌何事或有送兒充道童
聞言愴惻黯無答私痛聖祖開疆功渠干威福開者誰

法典雖嚴柰怙終錦衣玉食已叨竊琳宮寶宇將安雄
何宮不鐫護敕碑來者但看玄明宮

康郎山歌


君不見康郎山屹立東湖中波濤撼蝕山脚塌破廟枯
木常烈風芒碭草昧赤帝出揮劍遂使凡蛇空卧榻之
外事亦小萬方有罪惟朕躬美姬寶玉歸御幄浮屍蔽
江江水紅發踪劉陶固其力死戰難言非數公秦人枉
哭嶠函瘞漢祖輕酬垓下功至今有廟此山側天陰雨

濕時見朱旗白馬光如虹

乾陵歌

武后陵黃巢伐之事具雪航膚見

九重之城雙闕峙前有無字碑突兀雲霄裏相傳翁仲
化作精黃昏下山人不行蹂人田禾食牛豕強弩射之
妖亦死至今剥落臨道傍大者虎馬小者羊問此誰者
陵石立山崔嵬銅鐵錮重泉銀海中縈迴巢也信力何
由開君不見金棺玉匣出人世薔薇冷面飛塵埃百年
枯骨且不保婦人立身何草草



空同集卷二十二

欽定四庫全書

集部

空同集卷二十四

詳校官監察御史_臣龔驥文

中書_臣劉源溥覆勘

總校官進士_臣繆琪

校對官中書_臣袁文邵

謄錄監生_臣李傳燮

欽定四庫全書

空同集卷二十三

明 李夢陽 撰

五言律

郊觀齋居東邊喬二太常

人日過仙院，春霞緲緲分。
碧回瑤澤草，紅綻藥宮雲。
獨處依松樹，清齋對鶴羣。
桃源知並入，惆悵不逢君。

郊壇值雪

鳳輦連宵發，鷄鳴雪滿畿。
嚴隨黃鉞至，清繞翠華飛。
伏

謁深沾珮朝回半濕衣懸知清切地冲默迓天威

西天門候祀

瑤壇暮雪盡月出禁門西地靜鳴珂碎沙寒簇仗低臺
官移斗柄衛士掃雲梯遙識龍文氣爭傳法駕齊

恭陪郊祀紀成

御氣三更合君王在闕宮燎煙凝碧落墀月起微風上
帝居歆夕文王陟降中諸壇嚴從幕元祀報成功侑食
珪璋潔登歌玉磬同神旋仍醉飽萬舞向春空

郊祀以病不與

端月溫風至圓丘瑞霧多
開壇洽百禮伏枕想登歌
日月春旗閃雷霆書輦過
年年覲上帝只為乞民和

卧病酬邊君天壇步月見懷之作

霽夕開芳甸祠官悵獨遊
銀潢橫殿落壁月抱壇流
漢時饒煙霧秦城逼斗牛
甘泉詞調絕疲病若為酬

大行皇帝挽詩

弘治十八年五月

午門朝遂罷西殿臨真哀
淚滿乾坤暮日黃風雨來
虎

賁猶宿衛龍馭幾時迴莫測皇天意中崩帝業推

其二

大訓文華踐英謀武範遺先朝無顧命大漸問班師上
食金輿備移宮素幔垂向來激切疏優渥小臣知

其三

元老炯仍在退朝無昔呼閒階惟玉輅夕日已金鋪望
幸霓旌遠埋靈山殿孤君看霜露節冠冕灞陵趨

候輓

冬月初圓夕含悲
候輦東閣門猶警
蹕松栢已新宮
象衛悲風入龍旗
白霧中有髯渾欲
挽雲墮鼎湖弓

望泰陵

昔臨園西內悲風
入紫冥今來松栢
望斜日泰陵青殿
起雲煙入龍遊劍
璽局萬國今多難
孤臣涕倍零

謁孔廟

端笏陪朝列時裡
謁聖林戟門留石
鼓春殿靜珠琴
奎府星連切壁池
龍躍深詵詵趨國
子早晚翠華臨

益王頌

憲宗王十子益府寶稱賢體統朝廷半敦崇德業全書
堂斜晝日琴殿淨秋煙問寢還英嗣時研世子篇

壇祀酒會

齋居新宴合桂裏戟門開鴈趨龍旌到蛩喧羯鼓催松
筠分曙色劍珮接行杯日上雲霞散驂驪羽騎迴

驪山

繡嶺花仍繡湯泉滿故宮禁池人自浴新月古應同玉

殿興亡後青山涕淚中千巖歌吹入猶想翠華東

橋山

青宮棲古岑白露靜松林忽下烏號淚遙悲龍去深衣
冠萬國後轍跡四方心一氣流羣帝哀哉笙鳳音

瓠子

沈璧餘瓠子橫汾懷帝歌波濤滿眼送城郭沒年多虎
戰仍三晉龍遊失九河宋人饒事蹟今望亦滂沱

朱遷鎮

水店回岡抱春湍滾白沙戰場猶傍柳遺廟只棲鴉萬
古關河淚孤村日暮笳向來戎馬志辛苦為中華

朱遷鎮廟

宋墓莽岑寂岳官今在茲風霜留檜栢陰雨見旌旗百
戰回戈地中原左社時土人嚴伏臘偏護向南枝

峴山

大名終不滅墮淚此山碑後進才非乏風流爾足師古
堂陰漢水新路改城池回首隆中接秋雲兩處垂

鹿門山

龐公真漢隴孟子復唐詩舊宅新秋葉孤墳千載遺泉
裊石穴細葛倚松門垂望望青峰近吾襟曠爾期

冬日仁和門外

箋云門在大梁

寂寞何王殿遺墳此徑孤玉階翻雪草野日自金鋪廡
暝牛羊聚林風鳥雀呼白頭香火者猶護赤龍符

其二

二塚纍纍接聊城復定安

世絕

情哀宮獨盛世異柏同

殘久雨石門塌新霜帷殿寒西陵時節望誰見綺羅歎

令婆墳

國初掄秀嫗分遣入周宮但覩邱墳鬱寧知乳哺同後
王忘昔日頽屋鎖春風寒食鶯啼切林花落自紅

始謁徐祠

予問何不用木主守
者曰有像則人起敬

廟古傍湖偏春行更可憐楚城芳草徧紅日此堂懸榻
想陳公後時悲孝獻前亦知遺像誤瞻拜淚油然

徐墓書張相國碑銘

不讀南州傳誰知高士心江城遺塚在春日古祠深竹
鳥嚶嚶合松墻靡靡陰曲江千載碣書罷淚盈襟

陳祠在徐墓東

可訝司徒廟偏隣孺子墳哲人堪一哭漢鼎竟三分
引江畔草榻留松上雲紛紛車馬客誰此薦清芬

韓文公祠

袁州山在城韓廟倚山清晃眼前朝貌文章百代名
石苔猶馬路春竹自鶯聲立望潮陽近翻翻海氣征

武陽郡公祠

惠愛前人蹟追思後代心
洪都觀察廟香火古江潯
白日江上過青松霜露深
亦知精爽異應厭鼓鼙音

徐蘇二祠

孺子真高特雲卿崛後先
揮鋤傲漢冕跼屨卧江烟
寧飫糟糠畢耻同貪濁全
淒涼百代宇悵望一潸然

鵝湖書院

書院佛堂邊頽垣嶺谷連
四時僧洒掃千古儼高賢
立

壁東萊毅懸河子靜偏衆流終一海流淚考亭前

九日黃花鎮

黃花遇九日風雨不逢花水湧石梁斷溪吞山郭斜將
軍午宴客欲醉忽聞笳困苦墩樓卒經年誰見家

九日應變齋居

時變逢搖落齋心對暮天未擒可汗日新起泰陵年聽
鴈真無那看花益法然將歸思臨水愁絕宋生篇

九日慈恩寺閣

寶地元依海珠林更假山登臨重九過城闕五雲還歌
吹喧侯里邊烽入漢關望鄉歸未得能對菊花斑

其二

敕寺四圍湖秋林層閣孤天空木更響風落帽還扶魚
群梁下躍鳥影鏡中趨泛菊看山海寒烟暮有無

生日寫懷

臘日明朝是浮生此歲過黃雲薄暮積白髮向來多壯
士看雄劍幽人戀薜蘿異時論出處竊慮各蹉跎

十二月十日

今日吾兄壽蕭條自舉觴燕山非故里汴水亦他鄉河
鯉行思海原鵠飛畏霜客居憐小姪潛望白雲長

臘日退朝口號

霽色催寒臘鷄聲下紫宸至尊深抱戚粥食罷嘗新宮
霧戎戎薄城鴉款款馴小臣憐歲序翹首待陽春

七月十五日食不見追往有歎

月食今年再中元與上元春晴燈火亂秋暝雨雲繁漢

將高城壘胡塵滿塞垣孤臣萬古淚偏灑泰陵園

月食

有明終不減暫掩亦何虧萬國喧呼地三更鼓角悲輪生桂與發光復兔還隨顯晦每如此人生祇自疑

元日汴上雪霽

旭日薰江檻晴雲麗竹扉簷花雪色靜庭篠碧滋歸歲月高兒女行藏老蕨薇眼看人共醉椒酒不堪揮

清風河上寓樓獨酌

一自違京邑飄飄歎此遊桃花是往歲竹葉轉新愁暮
雨津城樹春帆水國樓汴河堤上柳烟色似皇州

庚午除日

于今將四十始悟昔年非白髮誰能那紅顏我漸違行
藏沙上鳥日月故山薇悵望勞歌起風河柳色歸

辛未元日

萬事渾如昨蹉跎四十臨取塗傷老馬聞道愧前禽日
變風雲氣春生海嶽陰趣時聊物賞此外更何心

中秋南康

同是中秋月匡廬只自看故臨石鏡上偏傍落星灘北
望關山隔南飛烏鵲寒鳳歌喧太液光憶滿長安

廬山九日

廬山隨晚坐江漢淨秋襟九日黃花雨書堂紅葉深細
雲飄古帙寒兕吼空林不用風吹帽尊前有靜琴

上元滕閣登宴

滕閣上元宜章江登宴時衣冠還大國唐宋自殘碑燈

火闌堪凭風塵淚欲垂黃雲驅日暮回首見征旗

其二

陽浦通新霧陰城帶古樓君王罷歌舞棟宇白雲留草
色歲年換客心江水流暮昏仍一望燈火萬家州

九日薛樓會集

不倦登樓目遙憐秋色重楓村疊暗浦霜日抱孤峯楚
越窻中地江山戰後容倚闌渾不語吾欲採芙蓉

其二

恰送重陽目能禁孤鴈來林稀山盡出風順櫓齊開況
是薛樓會難孤江上杯菊芳看莫厭秋色異鄉催

清明曲江亭閣

寒食花爭麗豐江柳獨深此行元慷慨落日更登臨浩
蕩五湖際風煙千里陰坐看舟楫急徒切濟川心

端午贛州晚發

戲倦龍舟返吾驅彩鷁行晚天開古驛轉眼過孤城嬾
嬾雲生瀨悠悠弟憶兄泛蒲雖念我寧解嶺邊情

南康除夕

畏途值除夕，會我得投閒。
海雪寒城古，江春碧草還。
星河掛嶽樹，燈燭慰歸顏。
竊計臨家日，薔薇滿舊山。

南康元夕

四海逢今夕，孤城有獨身。
干戈猶野哭，梅柳自江春。
月向平湖滿，燈於靜夜親。
罷諠風乍起，嗟爾楚南人。

其二

嘈嘈市鼓動，松月靜吾門。
燈火思今夜，風光滿故園。
天

明淹舞袖塵暗失游軒老鬢江山異愁看旌旆繁

元夕風起南康

嶽雲黃裊裊夜半忽淒風度市春燈亂穿梅野樹空人
依青岸酌月漾碧湖中擬盡江城賞無欺蠟炬紅

乙亥立秋

今日秋風起連年濕病蘇應時微雨歇侵曉斷雲徂已
復寒蟬集空嗟蕙草孤步檐驚驟健一葉下庭梧

中秋

漢江江上月今夕去年看尚憶峴山曲
秋城波色寒故鄉仍節序衰鬢且儒冠
桂子真誰種天空落未乾

其二

輝輝衆星沒宛宛孤輪高萬古今宵月
青天首自搔度閨螢息照懸樹烏分毛
寂寞枚乘筆空懷八月濤

戊寅元夕

春色閨冬後元宵驚蟄邊軟塵欺月散
繁火奪星懸車馬中原地笙歌全盛年
無勞驗花燼難測是皇天

中秋喜客携酒見訪

節有吾家會天能此夜陰蟾蜍逐月沒桂子落雲深同
是悲秋客况懷天柱心引盃光欲閃徙倚向東林

其二

雲出真誰料月行應自如闌然花逕裏忽枉故人車落
葉近坐滿清光中夜舒杯來不須却此意合躊躇

十月月食不見

頻食天應苦當宵地故陰悲生十月雨狂阻萬方心武

解香燈聚霜林鼓角沈復光何處滿願逐翠華臨

己卯元夕

此夜門還閉中天月自看春催桂應發雪映兔猶寒兒
女添鐙闌隣家品笛殘少時思可笑走馬向更闌

庚辰清明東郭

少日歡游處逢春老大悲強持盃酒勸怕遺落花隨草
木梁園在山河宋殿移上墳人盡返岐路獨含思

九日上方寺

賞時爭上塔乘月復登臺地盡中原入天空秋色來望
鄉翻恨鴈有菊且銜杯却憶龍山帽徒增醉者哀

其二

天地疎秋色樓臺敞客歌遠江寒自白落木晚堪多月
為銜杯出鴻於鳴磬過霜橫不歸去吾意在烟蘿

至日夜雪

至後還深雪幽心獨小堂光雖奪片月寒恐妬微陽壓
竹寧迷翠沾梅祇辨香一聲何處鴈翅濕且高翔

癸未中秋不月

碧桂行青鳳嬋娟集玉樓世人寧解覩天意漫陰秋雲
逼初光布星隨滿夜收開晴即是月但遣一尊留

乙酉上元上方寺

地愛僧林僻人邀燈節游緣塋朝借馬改路晚登舟春
水鳬鷺滿夕陽鐘磬幽相留待明月簫鼓在中流

丁亥立秋

火多常病熱殘暑特相欺今日涼風至飈然林竹披聞

鷄每起早省稼獨歸遲天地蕭條意何須一葉知

中秋亭會

老去真耽月更深且醉遊影沾如畏露光冷是分秋蛩
故吟清酒蟾應笑白頭恒星藏不見坐待彩波流

戊子元夕

示曹錫

皎月臨元夜和風入始春過冬猶望雪思世轉愁人歌
館喧鳴鼓遊車匝暗塵黑頭宜努力吾鬢已如銀

己丑五日

往歲沾宮扇含香拜玉墀只今飄白髮刈麥向東菑樹
樹鳴蜩日家家望雨時萬方多難意誰達聖明知

五日莊上集

園桂日佳色黃鸝時巧音美人翩紫馬携酒入花陰艾
席鋪能坐蒲觴乾自斟蜩鳴雖頗聒流轉是天心

明遠樓春望

貢院初開閣春陰獨倚欄柳邊千艦聚花裏萬家殘風
雨江聲壯兵戈地色寒斷腸沙鴈北羣起向長安

宜春臺春望

古州圖記見今望臨高臺人倚楚天盡風驅湘色來密
雲生曉暝遠水上春雷尚有干戈淚馮軒眼倦開

謝巖秋日始集

百戰江山在吾來草木秋孤城洞口落襄水席邊流去
國雙王粲題巖只謝侯醉歸憶山簡飛興習池頭

秋望

蝶戲猶餘藥蟬吟已怯枝乾坤入漢日霜露望鄉時屈

子偏生楚王通不負隋晚楓江更苦莫上峴山祠

古城春望

陰陰日欲暮迢迢春望稀野色吹寒立林鴉逆雨歸孤
城還麥秀白首且花飛臨路長楊嫋前朝今是非

東陂秋汎三首

久說東陂好今陪上客遊綺筵開畫舫哀笛奮中流舞
每低輕燕歌先起白鷗稍前休更進吾愛荻花洲

其二

水寺通人少松亭隔芰荷問僧舟暫艤登岸酒同過草
木秋風入湖山晚色和返撓須痛飲前路滿漁歌

其三

進艇晨烟碧回撓晚日黃宿禽喧亂葦饑獺竄空梁放
浪形骸得牽纏世路忙要君待明月此水是滄浪

春晴野寺和李大

野闊愛春幽新晴覓寺遊立僧當徑望融雪向門流淨
色悲諸界浮生晒一丘憐君厭囂俗行處即滄洲

城南夏望和王相國

散步郊南望，雛鴉款款飛。
園林惟草色，時序已絺衣。
試粉蓮初膩，殘香棟乍稀。
亦思河朔飲，無奈賞心違。

春日臺寺

寺僻春還麗，人閑午任遊。
行隨碧草遠，話為老僧留。
池竹晴常潤，龕花晚更幽。
塔端兩巢鶴，怪爾亦優游。

春日漫成

豪真欺酒綠，老每厭花紅。
人事年年異，春風物物同。
雲

霄猶旅鴈時序又新松潦倒元吾分金尊莫放空

春宴

物與吾何異春隨地不同游歌盡墨客亭榭半花風身
世一杯外山河雙眼中無言時未夏已報石榴紅

其二

老為春憐酒閒將客問花檻楊晴故雪堦藥晚能霞地
與歌鶯轉人爭舞燕斜但來須共醉莫使負韶華

疊前韻二首

昨與君游處今來訝不同
早荷浮嫩水夏樹起初風
人醉孤亭上禽鳴萬竹中
興深天亦助斜日片雲紅

其二

舊徑添雙樹新叢試一花
春風逗笑語落日變雲霞
圓色隨人遠樓陰趁酒斜
誰知在塵境遽爾隔紛華

丙戌中秋召客賞之以雨多不至者

隔年期月易一夕借光難
秉燭筵非改登樓客不懽
竹風秋聽力松雨夜留寒
天柱峰頭色應還似畫看

丙戌十六夜月

是夕微雲中天遂朗因憶往時京華賦詩有清虧
桂闕一分影寒落江門幾尺潮之句人多傳誦彼
吾少俊今遽老醜并前詩忘之矣亦以集未收載
月豈無晴夜天終有散雲微微透今夕朗朗至宵分鏡
展池波暈珠明草露文呼兒暖餘酒酌罷一鴻聞

空同集卷二十三